

M303: Amtleutebuch von St. Brigida

- 1r,1 Dit buoig is der ambtluode . des huois van senthe Bryden .
 1r,2 Want nyeman suonder die helpe govz . ingeine guode dink gemaggen
 1r,3 in can . so bid wir dye genade gotz . dat si vns helpen wille .
 1r,4 dat wir die stuocke gemaggen muozen . da gotz ere ane leyge . Inde
 1r,5 des ambtz nuoz inde seylicheit . am- .
 1r,6 IN goz namen am- . Wir ambtluode gemeyne des huois van senthe
 1r,7 Brygiden zuo Colne duon dat kont . dat wir eyndreytlichen
 1r,8 mit vnseme guoden willen . inde mit vnseme gehenknyse . hain
 1r,9 dat gesat . Inde geordeneyrt . in dyesme buoige . vmbe gemeyne beste .
 1r,10 inde nuoz vons ambz . Inde willen dat . man . dat eiweliche . inde
 1r,11 vonverbruogliche halden sal . In der formen die hye na kuomt .
 1r,12 die alsuoilg is . zuo deme eirsteme . so sez wir inde willen . dat . dat
 1r,13 man zwene meystere . die vorderere genant sint . alreyairlijs
 1r,14 keysen sal van den ambtluoden . dye ir ambt verdyent haynt .
 1r,15 alleweyge inbynnen deme andage senthe Johans baptiste- . Inde
 1r,16 die zwene meystere die . vorderere sint . z er zijt . die sulen sage-
 1r,17 inde kuont duon vnsen geswoiren buoiden . eynen dag . inbynnen
 1r,18 deme andage senthe Iohans baptisten . vp den dag . dat dye
 1r,19 kuore weisen sal . dat die buoiden gebyeden . den ambtluoden .
 1r,20 die ir ambt verdyent haynt . Dat si kuomen in dat huois
 1r,21 senthe bryden . da zuo keysene zwene meystere die vorderere
 1r,22 genant sint . Vp den seluen dag . dar zuo gebuoyden is . Inde wilg
 1r,23 der ambtluode dar kuomt vp den dag . die muogen kyesen
 1r,24 die zwene meystere . Inde wilg irre dar neyt in kuomt .
 1r,25 de in hait ingeyne maygt zuo kyese die meystere . Inde
 1r,26 wie veile dat irre dare kuomet vp den dag z er kuoren .
 1r,27 der si me oue mon . die muogen kyesen zwene meystere .
 1r,28 wilge zijt dat man vespere luoit in der kirchen senthe bryden .
 1r,29 des in muogen die ambtlude die dar nyet . in kuoment

 1v,1 weidersprechen . Inde were dat sagge dat dye meystere die z er
 1v,2 zijt sint . dat gebot virsuomden . Inde neyt in segthen den buoyde- .
 1v,3 dat si gebvoiden den ambtluoden . dye ir ambt verdeynt haynt .
 1v,4 also dat bynnen deme andage senthe Iohans baptisten . dye
 1v,5 kuore versuomt worde . so gylt ir eylich der meystere eyne
 1v,6 marc deme ambte ze buozen .
 1v,7 // Eyuer hayn wir dat gesat . inde geordeneyrt . sowilg vnser
 1v,8 ambtlude gekuoren wirt zuo eme meystere . vp den dag

- 1v,9 de dar zuo benuomt is zuo keysene . deme suolen die buoyden dat
 1v,10 kuont duon inde eme sagen . Inde suolen sprechen alsus . “syet ir
 1v,11 sijt genuomt inde gekuoren eyndreytlichen van vnsen herren
 1v,12 den ambtlvden zuo eme meystere . kuomt vnse herren
 1v,13 dye ambtluode sitzent inde wardent vor .” Were dat sagge
 1v,14 dat hey t weiderspreige . Inde neyt in queme vp den dach .
 1v,15 were dat hey zuo Colne were . inde gayn . inde stayn mogthe .
 1v,16 Dan suolen seyuene vnser herren . dye gekuoiert sint
 1v,17 zuo me schryne . mit zwen vnsen meysteren die z er zijt
 1v,18 sijnt . suolen sizzen biz vnse buoden weider kuoment . Inde sage-
 1v,19 vns ein of ander . In kuomt hei dan neyt so gilt hei dri
 1v,20 schillinge ze buozen . Jnde alsus suolen dye seyuene . die gekuoren
 1v,21 sint zuo me schryne . mit zwen vnsen meysteren .
 1v,22 sizzen biz an viere gebot . dye man eme gebieden sal .
 1v,23 zuohant ein na deme anderen . Inde suolen sijn warden vier
 1v,24 dage . biz dat man vespere luoit . in der kirchen zuo senthe
 1v,25 bryden . Is dat sagge dat hei zuo deme eirsteme gebuode
 1v,26 nyet in comt . so gilt hey dry schillinge ze buozen . In comet
 1v,27 hey zuo deme anderen neyt . so gilt hei dri schillinge .
 1v,28 In comt hei zuo me dirdeme neyt . so gilt hei oug
 1v,29 dri schillinge zuo buozen . Dan suolen zwene van den seyuene .

 2r,1 die geswoiren sint zuo me schryne . mit den meisteren . of mit
 2r,2 eme van den meysteren suolen si gayn zuo eme . Inde suolen eme gebyeden
 2r,3 dat vierde gebot . jnde suolen eme sayn . “du bist gekuoiert
 2r,4 inde genuomt zuo eme meistere . In kuomst du nyet du verlouist
 2r,5 dijn ambt .” Jnde in comt hey dan neyt so verlouist hey sijn ambt .
 2r,6 Inde in sal nemmer weider comen . in sijn ambt . Inde wilg
 2r,7 ire der seyuene die gekuoiert sint zuo me schrine . of wilg der
 2r,8 meystere neyt in queme . Jnde versuomde enich dyeser dage . die
 2r,9 vuor sint geschreuen . de sal gelden . zwelf penninge . zuo buoze-
 2r,10 deme ambte . Inde die seyuene mit den meisteren . noch ir ingeyn
 2r,11 in suolen noch in muogen . ingeyne wijz dit vp halde- nog
 2r,12 lengen . Mer si suolen sitzen . inde warden . des . de gekuoren is zuo
 2r,13 meistere . van dage zuo dage . also als it vuor geschreyuen is .
 2r,14 Inde were dat sagge dat man der meistere nyet hauen in movthe .
 2r,15 so suolen zwene uan den seyuenen . die gekuoyren sint
 2r,16 zuo me schryne . vrie magt hayn deme de gekuoren is zuo eme
 2r,17 meistere gebieden vierde gebot . Inde suolen eme dat
 2r,18 sayn inde kuont duon .
 2r,19 // Eyuer hayn wir dat gesat inde geordeneyrt . wanne
 2r,20 die meystere gekuoren sint . inde die seyuene zuo me schrine gekuoren
 2r,21 sint . die suolen geyuen dit gebot vnsen buoden . Inde suolen
 2r,22 in dat sagen . dat si gebieden den ambtluoden . die ir
 2r,23 ambt verdeynt haint . jnde oug die ir ambt neyt verdyent
 2r,24 in haynt dat si kuomen zohant des anderen dages alweige .
 2r,25 Inde alreyairlijs in dit huois senthe Bryden ir eylich vp
 2r,26 sine buoze . we dar neyt in cuomt dat hey vier penninge

2r,27 gelden sal . Inde da ze duone sine bygeite . inde zuo sagene heymeliche
 2r,28 of ir eynich wizze . van eyngme vonseme ambtma-ne

2v,1 dat neyt guoit in si . Inde weider des ambz ere . Inde dat man melden
 2v,2 sal . vuor den seyuenen die gekuoirn sint zuo me schryne . of vuor
 2v,3 zwen van den seyuenen . Jn- were dat sagge . dat die seyue dat
 2v,4 virsuomden . dat si dare neyt in queme- . inde die bygeithe neyt
 2v,5 in hoirden . so gylt ir eylich zwelf penninge ze buozen . Jnde
 2v,6 van alsuolgen stuocken die da gemelt werden vuor in . des suolen die
 2v,7 seyue die buoze sezzen inde sagen .
 2v,8 // Eyuer hayn wir dat gesat inde geordeneirt . dat man den zue-
 2v,9 meysteren die vorderere sint genant . die gekuoirn sint c er zijt .
 2v,10 dat man ir eylicher geuyn inde antworten sal . zwey huondert marc
 2v,11 dry guode hallere vuor eynen penninc . Inde dat sal man alreiarlys
 2v,12 duon vp senthe remeys dag . Inde ir eylig der meystere
 2v,13 de sal weider geyuen sin huondert mark up sente Remeys
 2v,14 dag . also dit yair vmbe comt . den anderen meysteren
 2v,15 die gekuoirn sint van den ambtluoden . die hie vuor geschreyue-
 2v,16 sint . wie die meystere des nyet in duont . of wilg irre des neit
 2v,17 in deit . Inde wilg irre dat virsuomt . inde neyt genuoig in deit
 2v,18 van sinen huondert marken . also hie vuor geschreyuin steyt
 2v,19 vp senthe remeys dag . de hait sijn ambt verluoren . Inde vp dat .
 2v,20 dat ambt desdie suggere si . alle dieser stukke . die hie
 2v,21 vuore geschreyuen sint . des sal ir eylich der meystere sezzen
 2v,22 egt guode burge vuor sig . van den ambtluoden die ir ambt verdyent
 2v,23 hant . of zwene die ir ambt nyet virdyent in hant .
 2v,24 vuor eynen . Inde die buorge suolen geyuin . inde antworten ir
 2v,25 eylich sijn deyl . dat in ane gebuoirt den anderen meisteren
 2v,26 die gekuoirn sint z er zijt . bynnen egth dagen . wilge zijt
 2v,27 dat si s gemaynt werden . na sente remeys dage . Is dat

3r,1 sagge dat sig die meistere des beclagent . dat in dat gelt
 3r,2 neyt gegeyuyn . noch worden in si . wie die buorge dis neyt
 3r,3 in duont inde virsuoment . jnde wilg ir des neyt in deit . inde
 3r,4 virsuomt vp die selue zijt . so hant si ir ambt verluoren . In were
 3r,5 dat sagge dat die meystere die gekuoirn sint z er zijt .
 3r,6 virtrekden irren tyrmt . also dat si neyt in claden . also dat
 3r,7 in ir gelt neyt in were worden . dan so sal dat ambt inde ir
 3r,8 burge quyt inde los sijn . jnde die meystere . inde ir burge suolen
 3r,9 sijn virbuonden . jnde behaygt sijn vuor dat gelt . Inde wilg
 3r,10 van den vuorsprochenen buorgen . sijn deyl gelz neit in gyet
 3r,11 also it hie vuor geschreyuen steyt . de hait sijn ambt virloren .
 3r,12 Jnde dat . dat ambt oue deme dat beveilt . den de sijn
 3r,13 deyl neyt in gyet . ane mag spreken vuor becant gelt vuor
 3r,14 eme anderme gerygthe .
 3r,15 // Hye inbuoven were dat sagge dat enych dyeser burge .
 3r,16 hye inbynnen stuorve . so sal der geyn de des buorgen bedarf
 3r,17 ove noyt hayt . eynen anderen guoden buorgen sezzen . In des

- 3r,18 doden stat . bynnen zwein wechen . wilge zijt dat hei z gemaynt
 3r,19 wirt . sowie hey dis neyt in deyt . jn dat ndat versuomt .
 3r,20 so gilt hey alle wechen eine marc zuo buzen .
 3r,21 // Eyuer hayn wir dat gesat . inde geordeneirt . dat die
 3r,22 meistere . die vuor zer zijt gekuoirn sint . dat si ir ambt
 3r,23 verdyenen suolen . Inde irren dyenst duon suolen alweyge
 3r,24 Vuor senthe Remeys dage . also dat vp den dach .
- 3v,1 dat si irren dyenst duon suolen . Inde willent des besyen sig harde
 3v,2 wale . dat ingeyne andere meistere van eyngme huois . dat genant
 3v,3 is der gebuore huois vp den seluen dag virdyenen . suonder
 3v,4 alre hande argeluost . sowie si dat duont . so suolen si gelden
 3v,5 vuonf mark zuo buozen . Inde irren deynst suolen si duon alweyge .
 3v,6 in senthe Bryden kyrspele . Inde nyergen anders . Inde
 3v,7 nyeman vp den dag . dat si irren deynst duont sitzen in sal
 3v,8 by vnsen ambtluoden . jnde da ezzen vozbescheyden . des kyrcherren
 3v,9 sente Bryden . Inde sinen Capelanen . of si dar gebeyden
 3v,10 werdent . sowie dye meistere dat duont . of wilg ir
 3v,11 dat deyt . de gilt vuor eyne eweliche persone . de da ist . dry
 3v,12 schillinge zuo buozen . jnde die meistere suolen ir waiz geyuin
 3v,13 alweige vp eynen dag . wilge zijt dat si des anderen dages
 3v,14 irren dyenst duon willent . Inde suolen zwene vonser ambtlude
 3v,15 by sich neymen die in helpen die ir ambt virdyent
 3v,16 hayn . Inde suolen eyne ewelichme ambtmanne de sijn ambt
 3v,17 verdyent hait . geyuen zwelf puont wais . dat genant is
 3v,18 kolz meydewais .
 3v,19 Inde eyne eywelichme ambmanne de sijn ambt
 3v,20 neyt virdyent in hait . suolen si geyuen vier puont des
 3v,21 seluen wais . deme schriuere seiz puont . Inde den buoden ir
 3v,22 eylich oug seiz puont van deme selueme waisse Inde suole- geyvin
 3v,23 vp den dag . dat si virdyent drv guode gerigthe .
 3v,24 inde . ein gemuose . bit eme yntrimesch Inde deme schriuere
 3v,25 zwelf penninge . Inde eme eilichen buoden zwelf penninge .
 3v,26 Inde wilg irre vp den dag neyt dar in kuomt zuo ezzene
 3v,27 deme in sal man ingeine spise senden . Inde wilg vnser
 3v,28 meistere dat deit . de gilt van eyne eylicher schuottelen .
 3v,29 die hei inwech sent . dry schillinge zuo buosen . Inde wilg
 3v,30 vnser ambtlude . sijn kyont . of kneyt . of eymanne anders
- 4r,1 mit eyne breythe . of dar leyde . zuo ezzene . of eynge
 4r,2 schuottele inwech sende . de gilt dri schillinge zuo buozen .
 4r,3 Inde da in solen vg neit syn dan veyre Girarde .
 4r,4 // Eyuer hayn wir dat gesat . inde geordeneirt . sowa-ne
 4r,5 man geszen hait . so suolen die seyuene die gekuoirn sint
 4r,6 zuo me schrine . die suolen keysen ander seyuene die ouvg ein
 4r,7 yair sitzen suolen vuor me schrine . Inde suolen dat truowelichen
 4r,8 duon . jnde bewaren . wilg ir dat weiderspreigge . inde
 4r,9 des neyt uolgen in wolde vp den dag . were dat sagge

4r,10 dat hey zuo Colne were . jnde gayn . inde stayn mogte .
 4r,11 so gilt hei seiz schillinge zuo buozen . Inde man sal einen anderen
 4r,12 keysen in sine stat . Inde he sal quit sijn dat yar .
 4r,13 also wanne man von gebuot dat si kuomen zuo geschreite .
 4r,14 so suolen si kuomen . inde wilg ir komet vuor vesperen
 4r,15 sente Bryden . deme sal man geiuen vier penninge .
 4r,16 Inde we kuomt na vesperen sente Bryden . deme in sal
 4r,17 man neyt geyuen . Jnde wat irvelt van breyuen zuo
 4r,18 leysene . dat suolen die ambtluode die da sint . die ir ambt
 4r,19 verdynt hauent deylin vonder sig . Inde man in sal
 4r,20 neyt vz deme schrine neymen . dat man virdrimke . vozbescheiden
 4r,21 dat man den seyuenen sal neymen ir p-sentie vozer
 4r,22 deme schrine .
 4r,24 // Eyuer hayn wir dat gesat . inde geordeneirt . dat die zwene
 4r,25 meystere die gekuoren sint z er zijt . suolen in gayn . in
 4r,26 ir gerigthe alweige vp senthe Remeys dag . jnde suolen vp
 4r,27 heyuin bynnen irme yare . vuonf mark renten . die geyuent
 4r,28 die gyene alle yair die kuonz schuon pleygent zuo machene . bi me Stokke .

4v,1 // Eyuer suolen si vp heyuin seiz schillinge van deme gademe
 4v,2 dat genant is buovenberch . Inde oug muogen si of si willent . die
 4v,3 porze dei vonder deme gademe geleigin is . vermyeden vmbe eyne-
 4v,4 yarzyns in irre zijth .
 4v,5 // Eyuer geyuen wir den meysteren die gereythe in deme huos
 4v,6 senthe Bryden binamen . die gebot inde die wedden . also dat
 4v,7 si van eyme eylichme gebuode neymen suolen zwene penninge .
 4v,8 Inde van den eyden die geborgit sint inde neit vollenbraut .
 4v,9 suolen si neymen van eyme eilichme eyde . seiz penninge . inde
 4v,10 sulen ouvg neymen van bekandeme gelde . dat vuor me gerithe
 4v,11 bekant is . vier penninge .
 4v,12 // Eyuer hayn wir dat gesat . inde geordeneyrt . is dat sagge .
 4v,13 dat man eymanne gebuoit . dat he kuome vuor gerigthe . va-
 4v,14 eymannes weigin . Inde beclayt he sich van eyme dat he eyme
 4v,15 scholt schuldic si . Inde spreige he . de beclait were “ich
 4v,16 gayn s an got . inde an dich .” sowe dat deit . de gilt vuonf schillinge .
 4v,17 der vuonf schillinge sal man geyuen den meysteren die
 4v,18 z er zijt sint XX . denarios . jn den ambt luden . die da yntgeygenwordich
 4v,19 sint . zwenzich penninge . Inde deme de den eyt deyt . sal man
 4v,20 oug geyuin zwenzich penninge
 4v,21 // Eyuer hayn wir dat gesat inde geordeneirt sowilg bekentnyse
 4v,22 dat geschiet voyr gereigte van deme bekentnisse . sal ein eyliche
 4v,23 mark dry penninge geldin biz an eygthe marc inde neyt me . dit

5r,1 sal man deylen . also dat man geyuin sal zwei deylen . den ambt luden
 5r,2 die ir ambt verdynt haynt . jn den ambt luden die ir ambt
 5r,3 nyet verdynt in haint . sal man geyuin ein deil . jnde die meystere
 5r,4 in suolen ingeyn reyt hauen . an alsuolgeme bekentnyse .
 5r,5 // Eyuer hayn wir dat gesat inde geordeneirt . dat eine ekeliche

5r,6 pandinge gilt drvozein penninge . der sal man geyuin den meysteren
 5r,7 in den ambtluoden die da sint . zwelf penninge . jnde den zwen
 5r,8 buoden . sal man geyuin einen penninc . In der formen also it hie vuor
 5r,9 geschreyuin steyt .
 5r,10 // Eyuer hayn wir dat gesat . inde geordeneirt . sowat gebuode kuome-t
 5r,11 van vnsen ambtluoden . die gebot suolen dye meistere vp heyuen .
 5r,12 Inde suolen dye reggenen inde deme ambte geyuin .
 5r,13 // Eyuer hayn wir dat gesat . inde geordeneirt . were dat sagge
 5r,14 dat dye meistere . die z er zijth sint . oue ir eyn van den meistere-
 5r,15 nyet in were in deme huois sente Bryden . jnde da neyt in sezen
 5r,16 zuo gerigthe . inbynnen der lester myszen senthe Bryden . inde
 5r,17 also die mozze vos is . so mag der alste van vnsen ambtluode- .
 5r,18 de dan da is . de sal magt hauen vp den dag zuo sitzene . zuo gerigthe
 5r,19 of he wilt . Inde wat vp den dag irvelt van wedden .
 5r,20 inde van gebuode- . dat sal sijn des alsten de da sitzt zuo gerigthe .
 5r,21 Inde der ambtluode dye by eme sizzent vp den dag . In alle der
 5r,22 formen also vuore steyt geschreyuin .
 5r,23 // Eyuer hayn wir dat gesat inde geordeneirt . sowilg vnser
 5r,24 ambtluode gepant wirt van sime ambte . de gylt vmmer zuo
 5r,25 deme maynde dry schillinge zuo buozen . Inde steit he inde blyvet

5v,1 in der panduongen yar inde dag . so hait he sijn ambt virluoren .
 5v,2 jnde dat sal . vallen deme ambte .
 5v,3 // Eyr hayn wir dat gesat inde geordeneirt . is dat sagge dat
 5v,4 eyman deme anderme deyt gebyeden . bit vnsen buoden . dat
 5v,5 he kuome vuor gerigthe . des huois van sente Bryden . jnde kuomet
 5v,6 dat in clage . dat in sal ingeyn vonser ambtluode . nog
 5v,7 die buoden suonon . jn si bit willen der meistere . sowe dat
 5v,8 deit . de gylt dri schillinge ze buozen .
 5v,9 // Eyuer hayn wir dat gesat inde geordeneirt . sowilgeme
 5v,10 ambtmanne vnse buoden gebyedent . dat he kuome vuor gerigthe .
 5v,11 Is dat sagge dat de ambtma- of wilg van den ambtlvden .
 5v,12 eyngeme vnsen buoden myzspreyge . jnde irzuornde
 5v,13 bit bosen lesterlichen worden . sowe dat deit de gilt seiz schillinge
 5v,14 zuo buozen . Inde sleyt hey der buoden eyngen so gilt hey
 5v,15 eyne mark der in sal man neyt lazen .
 5v,16 // Eyuer hayn wir dat gesat inde geordeneirt . dat vnse boyden
 5v,17 suolen hauen magth zuo gebyedene . die gebot binamen .
 5v,18 ein gebot . dat ander . dat dirde . inde dat vierde .
 5v,19 den geynen dye neyt ambtluode in sint . jnde dye
 5v,20 ambtluode sint . den of deme . sal eyn van vnsen meysteren . of
 5v,21 der geyn deme hei t beveilt . gebieden dat vierde gebot . sowie
 5v,22 hey des nyet in deyt . so gilt hey dry schillinge . Inde wilge
 5v,23 zijth der cleygere des gesint . in deit hei s neyt . so gilt hey
 5v,24 ouvg dry schillinge .

6r,1 // Eyuer hayn wir dat gesat . inde geordeneirt . were dat sagge
 6r,2 dat eyng vnser ambtlvde vuor me schryne . jnde in me gerigte

- 6r,3 spreynge eynghe quade wort . jnde vnkuoischlige wort . de gilt seiz
 6r,4 schillinge . van den worden . jnde uan der dayt . so gylt hey eyne
 6r,5 mark . Inde na deme dat dye dayt is . dat mag dat ambt meren .
 6r,6 inde nyet mynren .
 6r,7 // Eyuer hayn wir dat gesat . inde geordeneyrt . sowilg vnser
 6r,8 ambtluode . dat huois sente Bryden bekruode . Inde dr i- leithe
 6r,9 sijn holz . sine steyne . sine vas . Inde legelen . of eynger hande ander
 6r,10 stuocke . wie lange dat id da lyet . so gylt hey zuo buozen
 6r,11 al weggen seis schillinge .
 6r,12 // Eyuer hayn wir dat gesat . inde geordeneyrt . sowilg vnser
 6r,13 ambtluode . geyt in dat huis senthe Bryden . Inde dat vonvleydig
 6r,14 magt . vozbescheyden dat hey des wazzers lazen
 6r,15 mag . Inde wilg ouvg vonser ambtluode in dat selue huois leit
 6r,16 eynich bose wijf . jnde bit irre zuo duone hait . de gilt dry schillinge
 6r,17 zuo buozen . wie duocke dat hey dat deit . inde virwnnen
 6r,18 wirt bit der wairheide .
 6r,19 // Eyuer hayn wir dat gesat . dat ingeyn van vonsen ambtluode-
 6r,20 vuor dyese guode stuocke . die hie vuore sint geschreiuen . die wir
 6r,21 gemacht hayn . vmbe vnse gemeyne beste . bidden sal . vuor si
 6r,22 zuo male . of eyng uan den stuocken . also . alse wir t gesat hayn .
 6r,23 sowe dat deit . de gilt dry schillinge zuo buozen .
 6r,24 // Eyr hayn wir dat gesat . js dat sache dat eyman den andren

 6v,1 vuor me gerigthe ane spricht . dat hey jn . vorgebuoirliche gehandelt
 6v,2 haue . Wirt hey des virwonnen . des suolen die seyuene . die gekuoren
 6v,3 sint zuo me schryne . setzen die buoze .
 6v,4 // Eyuer hayn wir dat gesat . jnde geordeneirt . were dat sagge
 6v,5 dat eyman begerde eynre gewerschaf . so sal der meyster
 6v,6 of eyn van den seyuenen . die gekuoren sint zuo me schryne .
 6v,7 mit seis vnsen ambtluoden sijn vouer der geweyrschaf .
 6v,8 inde sal geyuin . xvij . denarios van der gewerschaf . der sal man geyue-
 6v,9 xij . denarios den ambtluoden . jn alle der formen alse it hie vuor
 geschreyuin
 6v,10 steit . Inde deme schriuere in den buoden sal man geyvin
 6v,11 vier penninge .
 6v,12 // Eyuer hayn wir dat gesat . inde geordeneyrt . Is dat sagge
 6v,13 dat eyman gesint eyns bescheiz . de sal gelden . xxj . denarios
 6v,14 // Eyr hayn wir dat gesat . jnde geordeneirt . dat nyeman in sal
 6v,15 sin vouer ingeyme irleizenisse . hei in si geweist vouer der
 6v,16 werschaf . Inde dat sal geschyen miz vouer deme meystere . voue
 6v,17 vuor eyne van den seyuenen die gekuoren sint zuo deme schryne .
 6v,18 Inde mit zwen ambtmanen . jnde sowe vouer dyesme irleiznisze
 6v,19 is . de sal dat irleiznisse brengen in dat regystrum bynne-
 6v,20 dryn dagen . also dat vnse schryuere dat irleyzins zeigene
 6v,21 vuor eyne . Sowie he des neyt in deit . so gilt hei zohant dry schillinge .
 6v,22 Inde alleweglis vort dry schillinge zuo buozen .
 6v,23 // Eyr hayn wir dat gesat . inde geordeneyrt . were dat sagge
 6v,24 dat eyng vnser ambtluode . burge worde eymans vuor sijn geschreyte .

7r,1 wilge zijt dat hey des gemaynt wirt . so sal hei geyuin
7r,2 bynnen egth dagen dat gelt . dat gebuort vam me geschreyte .
7r,3 sowie hey des nyet in deyt so gylt hei alle weggen
7r,4 dry schillinge zuo buzen .
7r,5 // Eyuer hayn wir dat gesat . jnde geordeneyrt . js dat eyng
7r,6 vnser amblude vozbescheiden . den seyuenen die gekuoren sint
7r,7 zuo me schryne . Inde den zwen meysteren . eyngin breif neyme
7r,8 of neymen voz deme schryne . inde den leysin . so gilt hey
7r,9 zwelf penninge . zuo buozen Id in si . dat die
7r,10 meistere . jnde die seyuene die gekuoren sint zuo me schrine
7r,11 des vorlof geyuen . inde ir wille dat si .